

Script Of Evening Gojri News Bulletin 29 July 2024 at 1700 Hrs

ایوننگ گو جری نیوز بلیٹن مورخہ 29 جولائی 2024

یوہ آکا شوانی جموں بے محمد اشفاق تے غلام سرورتیں خبر سنو۔ پہلاں خاص خاص خبر۔

- * 1۔ لیبر تے روزگار بارے وزیر ڈاکٹر مانسکھ مانڈویا نے کہیو بے جے ملک مانہ بے روزگاری غی شرح تک کہٹ غے 3 عشریہ 2 فیصد ہو گئی بے۔
- * 2۔ وزیر اعظم نریندرمودی پلک پیشی ویلے نویں دہلی مانہ وکست بھارت آلے پاسے مرکزی بجٹ 25/2024 کانفرنس غا افتتاحی اجلاس سنگ خطاب کریں گا۔
- * 3۔ بدھتی وی قیمتاں مانہ کمی کرن خاطر قومی کو آپرٹیو کنزیمور فیڈریشن 60 روپیہ فی کلو غا حساب نال ٹماٹر فروخت کرے گی۔
- * 4۔ تے پیرس اولمپکس مانہ منو بھکر اور سربجوت سنگھ غی جوڑی نے 10 میٹر انر پستل مکسڈ ٹیم ایوانٹ مانہ کانسہ غا تمغہ غا حتمی میچ واسطے کوالیفائی کر ليو بے۔

خبراں غی تفصیل نال پہلاں محمد اشفاق ۔

LS Employment

محنت تے روزگار وزیر ڈاکٹر مانسکھ مانڈویا نے اج کہیو بے جے ملک مانہ ملازمتاں غی کوئی کمی نہیں بے۔ انہاں غو کہنو تھو کہ موجودہ حکومت غی پالیسیاں غی وجہ سنگ ملک مانہ بے روزگاری غی شرح 3 عشریہ 2 فیصد تک کہٹ ہو گئی بے۔ وقفہ سوالات غے دوران لوک سبھا مانہ سوال غو جواب دیتاں وان وزیر موصوف نے امید ظاہر کی کہ آن آلا سالان مانہ بے روزگاری غی شرح 3 فیصد تیں وی تلے آجائے گی ۔ اس سال غا مرکزی بجٹ غی تعریف کرتاں وان ڈاکٹر مانڈویا نے کہیو کہ وزیر اعظم غو پی ایم پیکج 5 سال غی مدت مانہ 4 کروڑ تیں متا نوجواناں نانہ روزگار تے بترمندی غا مواقع فراہم کرے گو۔ ان گو کہنو تھو کہ اس ہدف نانہ پورو کرن بارے 2 لکھ کروڑ روپیا مختص کیا گیا ہیں۔ انہاں نے کہیو کہ لیبر فورس غی شراکت شرح نے کم کاجی آبادی غا تناسب مانہ بیتے دو سالان مانہ اضافو دیکھیو گیو بے۔ اس طرح لیبر فورس مانہ شرکت غی شرح 44 فیصد تیں 40 فیصد تک پُج گئی بے۔ ان غو کہنو تھو کہ اک دہائی مانہ دیہی علاقان مانہ روزگار غا مواقع مانہ اضافو ہوؤ بے۔ انہاں نے مزید کہیو کہ متواتر لیبر فورس سروے یعنی پی ایل ایف ایس غی رپورٹ غے مطابق دیہی علاقان مانہ روزگار غی شرح 23/2022 مانہ 2 عشریہ 4 فیصد رہ گئی بے جد کہ 18/2017 مانہ یاه شرح 5 عشریہ 3 فیصد تھی۔ تے اس طرح کم کاجی آبادی غی شرح 48 عشریہ 1 فیصد تیں بدھ غے 59 عشریہ 4 فیصد تک پُج گئی بے۔

PM Budget Confernce

وزیر اعظم نریندرمودی پلک پیشی ویلے نویں دہلی مانہ وکست بھارت آلے پاسے مرکزی بجٹ 25/2024 تیں بعد غی کانفرنس غا افتتاحی اجلاس سنگ خطاب کریں گا۔ اس کانفرنس غو انعقاد کنفیڈریشن آف انڈین انڈسٹری یعنی سی آئی آئی غی طرفوں کیو جا رہیو بے۔ تاہم اس طرح اس کانفرنس غو مقصد ترقی بارے حکومت غو ویژن تے کوششاں مانہ صنعت غا کردار واسطے خاکو پیش کرنو بے۔ حکومت صنعت، سفارتی برادری وغیرہ

غا اک بزار تين متا شرڪا ء اس كا نفرنس مانہ ذاتی طور ور شرڪت ڪریں گا. اس تين علا وہ بہت سارا لوگ مُلڪ پھر تے بیرون مُلڪ غا بکھ بکھ سی آئی آئی مراکز مانہ رابطو ڪریں گا.

RS Patrol Desiel Prices

حکومت نے اڄ کہیو ہے جے مُلڪ مانہ ڈیزل تے پٹرول غی قیمت دیگر ملڪاں غا مقابلہ مانہ سب توں کھٹ ہیں تے تیل غی قیمت در حقیقت کھٹ ہو ئی ہیں۔ راجیہ سبھا مانہ وقفہ سوالات غے دوران سپلمنٹری غو جواب دیتاں واں پٹرولیم غا وزیر بر دیپ سنگھ پوری نے کہیو جے بھارت مانہ تیل غی قیمتاں مانہ فیصد اضافو پڑوسی مُلڪ پا کستان، بنگلہ دیش، نیپال تے سری لنکا غا مقابلہ مانہ کھٹ ہے۔ انہاں نے کہیو جے حکومت تیل غی قیمتاں نانہ برابر رکھن مانہ کامیاب رہی تے کیونکہ وزیر اعظم نریندرمودی نے اکسائز ٹیکس نانہ دو بار کھٹ کیو تھو۔ انہاں نے ایوان نانہ دسیو جے حکومت غو 2 بزار 30 توڑی 25 فیصد ایتھنول نانہ پٹرول مانہ ملانو ہے۔

LS Budget Discussion

لوڪ سبھا نے اڄ عام بجٹ 25/2024 ور دوبارہ بحث شروع ڪی ہے۔ بحث مانہ حصو لیتاں واں سماج وادی پارٹی غا ڈمپل یا دوں نے دعویٰ کیو ہے جے تعلیم غا شعبہ واسطے بجٹ مختص مانہ مسلسل کمی ہو رہی ہے۔ انہاں نے مزید کہیو جے مُلڪ مانہ بے روز گاری غی شرح بدھ رہی ہے تے نال ہی انہاں نے اگنی ویر سکیم تے ذات پات غی مردم شماری ور وی سوال چایو۔ انہاں نے مزید بولتاں واں الزام لایو جے بجٹ مانہ صحت غا شعبہ خاطر کوئی خاص ایجنڈا نہیں ہیں۔ تے کہیو جے اس شعبہ واسطے ناکافی فنڈز فراہم کیا گیا ہیں۔ محترمہ ڈمپل یا دوں نے اس گل ور وی زور دتو جے مُلڪ مانہ ڈاکٹراں نرساں تے تکنیکی ماہرین غی خاصی کمی ہے۔ بی جے پی غا سریش کمار گشپ نے مرکزی بجٹ غی تعریف کرتاں واں کہیو جے یوہ بجٹ مُلڪ واسطے نویں راہ ہموار ڪرے گو تے مُلڪ نانہ خود کفیل بناوے گو۔ انہاں نے مزید کہیو جے 25 کروڑ لوکاں نانہ غربت تین باہر کڈیو گیو ہے جن مانہ نوجواناں تے کالسریاں واسطے بجٹ مانہ کنیں اقدام کیا گیا ہیں۔ سریش کمار گشپ نے کہیو جے پر دھان منتری آواس یوجنا غے تحت 3 کروڑ گھر بناں غو اعلان غریباں واسطے اک بڑو تحفو ہے۔ اس بارے بولتاں واں انہاں نے مزید کہیو جے بجٹ مانہ تعلیم، روزگار تے ہنرمندی غی ترقی ور خصوصی توجہ دتی گئی ہے۔ تانجے مُلڪ غا نوجواناں نانہ آتم نربہر بنايو جا سکے۔

BBBP Ramban

محکمہ سماجی بہبود نے محکمہ تعلیم سنگ اشتراکی طور ور ضلع ترقیا تی کمشنر رامین بصیر الحق چودھری غی رہنمائی مانہ جا تے روز سرکاری ہائی اسکول ڈھیڈا مانہ ”بیٹی بچاؤ بیٹی پڑھاؤ“ تقریب غو انعقاد کیو۔ ضلع سماجی بہبود رام بن رابول گپتا غی زیر نگرانی اس اقدام غو مقصد فلا حی اسکیمان بارے معلومات فراہم کرنو تھو۔ اس تقریب مانہ طلباء اساتذہ تے کمیٹی غا اراکین غی پرجوش شرکت نظر آئی ضلع سماجی بہبود افسر نے اس تقریب غی اہمیت ور زور دیتاں واں کہیو جے بیٹیاں نانہ دستیان فلاحی اسکیمان توں آگاہ ہونو چاہیے تے اس پروگرام مانہ بچیاں غی تعلیم نانہ فروغ دین تے انہاں نانہ باختیار بناں خاطر سرگرمی وی شامل تھیں۔

SSER Ramban

ضلع رام بن مانہ ضلع چنناؤ افسر تے ضلع ترقیاتی کمشنر رامبن بصیر الحق چودھری غی نگرانی مانہ خاص قسم غا کیمپاں غو انعقاد کیو گیو جت تصویرى انتخابى فہرستان غی دوجى خصوصى نظر ثانی فہرست 2024 نانہ دوہرایو گیو۔ یا د رہ جے ضلع چنناؤ افسر غی ہدایت ور ضلع انتظامیہ غابکھ بکھ نامزد افسران نے جا تے روز رامبن پو لینگ سٹیشن اے سی 54 تے اے سی 55 سمیت کجھ ہور پو لینگ سٹیشن غو دورو کیو تا نجے ووٹراں گا اندراج غی پیش رفت غو جائزو لیو جا سکے۔ اس دوران تحصیلدار اور دیگر افسران نے بی ایل او نانہ ہدایت جاری کی جے وے اس دورانیہ مانہ نواں تے اہل ووٹراں غا 100 فیصد اندراج نانہ یقینی بناویں۔ نال بی یوہ حکم نامو وی جاری کیو جے وے کھر کھر جا غے غیر اندراج شدہ نوجوانان نانہ بطور ووٹر شناخت کریں تے اس تیں علاوہ معزور ووٹراں غی وی نقشہ سازی کی جائے۔

یہ خبر تم آکاشوانی جموں تیں سن رہیا ہیں خیراں غا باقی حصہ نال غلام سرور۔

Joshi Tomato

امور صارفین، خوراک تے عوامی تقسیم کاری غا وزیر پرلہاد جوشی نے اج نویں دہلی غا کریشی بھون مانہ نیشنل کا پورٹیو کنزومر فیڈریشن غی وین نانہ ہری جھنڈی دسی جھپڑی جے 60 روپیہ فی کلو غے حساب نال ٹماٹر فروخت کرے گی۔ اس موقع ور امور صارفین، خوراک تے عوامی تقسیم کاری غا وزیر مملکت بی ایل ورما وی موجود تھا۔ اس طرح ٹماٹر غی بدھتی قیمتیں تیں راحت فراہم کرن بارے این سی سی ایف نے دہلی این سی آر خطہ مانہ سبسڈی ریٹ ورفروخت شروع کر دتی ہے۔

Olympics Shooting

پیرس اولمپکس مانہ منو بکر تے سر بجوت سنگھ غی جوڑی نے 10 میٹر ائر پستل مکسڈ ٹیم ایوانٹ مانہ کانسہ غا تمغہ غا حتمی میچ واسطے کوالیفائی کر لیو ہے۔ ان غو مقابلو پلک 1 بجے جنوبی کوریہ غا کھلاڑیاں سنگ وے گو۔ یا د رہ جے جنوبی کوریہ غا او بی جن نے انفرادی مقابلہ غو طلائی تمغو جتیو تھو جس مانہ بھاکر نے کانسہ غو تمغو جتیو تھو۔ اس موقع ور بھارتیہ جوڑی ارجن چیمہ تے ریتھم سنگوان وی مد مقابل تھا تے وے 10 واں نمبر ور رہیا۔ دوجے پاسے رفتا جنڈال کاسریاں غی دس میٹر ائر رائفل غا حتمی مقابلہ مانہ 7 واں مقامی ور رہیں۔ دسیو جاریو ہے جے سیریس 2 غی آخری 2 شاٹ مانہ رمیتا غی کارکر دگی مایوس کن تھی اس نے محض 9 عشاریہ 7 غو سکور حاصل کیو۔

India IPO 2024

بھارتی وفد نے 5 ویں بین القوامی فزیکس المپیڈ 2024 مانہ نمایاں کامیابی حاصل کی ہے۔ اس سلسلہ مانہ یاہ بین القوامی المپیڈ 21 جولائی تیں 29 جولائی تک اسفیان ایران مانہ منعقد ہوئی۔ تاہم اس طرح 3 بھارتی شرکاء نے تمغہ جتیا ہیں جن مانہ 2 سونا غا تمغہ تے 3 چاندی غا تمغہ شامل ہیں۔

Kathua

بھارتیہ جنتا پارٹی غا ترجمان ابھجیت جسروٹیہ نے کٹھوعہ مانہہ اک پر یس کا نفرنس سنگ خطاب کرتاں واں کہیو کہ وزیر خزانہ نرملا سیتھا رمن غے ذریعے حال ہی مانہہ پیش کردہ مرکزی بجٹ مانہہ جموں کشمیر نانہہ بڑو حصو ملیو ہے۔ جسروٹیہ نے مرکزی بجٹ مانہہ ترجیحات دتا جان آلا بڑا پروجیکٹاں غی تعداد نانہہ درج کیو جس مانہہ ہر کہر جل، ہر کہر نل، پی ایم آواس یوجنا، بجلی سیکٹر، صنعت غا شعبہ، سڑک تے عمارت غی تعمیر، تعلیم گا شعبہ وغیرہ شامل ہیں۔ انہاں نے اس طرح کہیو۔۔ بانٹ۔۔

Accident Akhnoor

اج جموں شہر غا مضافات مانہہ اک منی بس حادثہ مانہہ تقریباً 30 افراد زخمی ہوا ہیں۔ حکام نے دسیو ہے کہ یاہ منی بس میرا ما ندریاں تیں اکھنور آلے پاسے جا رہی تھی جس دوران یاہ منی بس مچ تیزی سنگ جا رہی تھی جس غا نتیجہ مانہہ کھو گا موڑ غے نیڑے سڑک ور ہی پلٹ گئی۔ جس غی وجہ سنگ تقریباً 30 افراد زخمی ہوا۔ اس طرح زخمیاں نانہہ فوری طور ور علاج معالجہ واسطے ہسپتال مانہہ پہرتی کرایو گیو۔ اس طرح دسیو گیو ہے ان زخمیاں وچوں 10 افراد نانہہ مزید علاج واسطے سرکاری طبی کالج جموں مانہہ منتقل کیو گیو ہے۔

ABSS 2024

وزیر مملکت برائے تعلیم ڈاکٹر سُکانتا مجمدار نے کہیو ہے جے قومی تعلیمی پالیسی 2020 غو مقصد ہر طالب علم غی صلاحیتاں نانہہ باندے لیانو تے مُلک پھر مانہہ تعلیمی تبدیلی خاطر رہنمائی غی روشنی پیدا کرنو ہے۔ وے اج نوین دہلی مانہہ اکھل بھارتیہ شکشا سماگم 2024 غی افتتاحی تقریب سنگ خطاب کرتاں بول رہیا تھا۔ مرکزی وزیر مملکت جینت چودھری نے کہیو ہے جے مُلک غو مستقبل مہارا اُستاداں غا ہتھاں مانہہ ہے تے قومی تعلیمی پالیسی یعنی این ای پی 2020 طلباء تے اُساتدا واسطے وسیع نمایا کردار ادا کر رہی ہے۔ اس تیں علاوہ وزارتِ تعلیم آپا رڈ آئی ڈی غو استعمال کرتاں واں ہنر مندی سمیت سکھ سکھاؤ با رے تمام قسم غی کریڈیٹ سکور جمع کرن تیں بغیر کسے رکاوٹ توں اس تفصیلی پیشکش غو مظاہرو وی کیو، یا درہ جے قومی تعلیمی پالیسی با رے 8 اقدام وی شروع کیا گیا ہیں۔ جس مانہہ قومی پیشہ وارانہ مہارت برائے تدریسی رہنمائی دستاویز تے قومی مشن برائے رہنمائی بلیو بُک بریل تے آڈیو بُک وی شامل ہے۔ واضع رہ جے پورا دن گا اس پروگرام مانہہ مُلک پھر تیں اساتذہ تے طلباء شمولیت کر رہیا ہیں۔

اس غے نال ہی خبراں غو یوہ بلیٹن ختم ہوو۔